

平樂府志卷四十

外志

列女

孝穆紀太后明孝宗生母也賀縣人本蠻土官女成化中征蠻俘八掖庭授女史警敏通文字命守內藏時貴妃專寵而妒後宮有娠者皆治使墮柏賢妃生悼恭太子亦爲所害帝偶行內藏應對稱旨悅幸之遂有身萬貴妃知而恚甚令婢鈎治之婢謬報曰病瘡乃謫居安樂堂久之生孝宗使門監張敏溺焉敏警曰上未有子奈何棄之稍哺粉餌飴蜜藏之他室貴妃日伺無所得至五六歲未

敢剪胎髮時吳后廢居西內近安樂堂密知其事往來哺養帝不知也帝自悼恭太子薨後久無嗣中外皆以爲憂成化十一年帝召張敏櫛髮照鏡嘆曰老將至而無子敏伏地曰死罪萬歲已有子也帝愕然問安在對曰奴言卽死萬歲當爲皇子主於是太監懷恩頓首曰敏言是皇子潛養西內今已六歲矣匿不敢聞帝大喜卽日幸西內遣使往迎皇子使至妃抱皇子泣曰兒去吾不得生兒見黃袍有鬚者卽兒父也衣以小緋袍乘小輿擁至階下髮披地走投帝懷帝置之膝撫視久之悲喜泣下曰我子也類我使懷恩赴內閣具道其故

羣臣皆大喜明日入賀頒詔天下移妃居永壽宮數召見萬貴妃日夜愁泣曰羣小給我其年六月妃暴薨或曰貴妃致之死或曰自縊也敏懼亦吞金死敏同安人孝宗既立爲皇太子時孝肅皇太后居仁壽宮語帝曰以兒付我太子遂居仁壽一日貴妃召太子食孝肅謂太子曰兒去毋食也太子至貴妃賜食曰已飽進羹曰疑有毒貴妃大恚曰是兒數歲卽如是他日卽魚肉我矣因恚而成疾孝宗卽位追謚淑妃別祀奉慈殿帝悲念太后特遣太監蔡用求太后家得紀父貴紀祖旺兄弟以聞帝大喜改父貴爲貴授錦衣指揮同知祖旺爲旺授錦衣衛指揮僉事賜予第宅金帛田莊奴婢不可勝計追贈太后父爲中軍都督府左都督母爲夫人其曾祖祖父亦如之遣修太后先塋之在賀者置守墳戶復其家先是太后在宮中自言家賀姓紀幼不能知親族也太監郭鏞聞而識之太監陸愷者亦廣西人故姓李蠻中紀李同音因妄稱太后兄令人訪其族人詣京師愷女兄夫韋父成者出冒之有司待以戚畹名所居里曰迎恩里貴旺曰韋猶冒李况我實李氏因詐爲宗親上有司有司莫辯也二人卽驟貴父成亦詣闕爭辯帝命郭鏞按之鏞逐父成猶令馳驛歸及帝使治

后先瑩蠻中李姓者數輩皆稱太后家自言於使者使者還奏貴旺不實後遣給事中孫珪御史滕祐閒行連賀閒微服入猺獞中訪之盡得其狀歸奏帝謫罰鏞等有差戍貴旺邊海自此帝數求太后家竟不得宏治三年禮部尙書耿裕奏曰粵西當大征之後兵燹饑荒人民奔竄歲月悠遠踪跡難明昔孝慈高皇后與高皇帝同起艱難化家爲國徐王親高皇后父當后之身尋求家族尙不克獲然後立廟宿州春秋祭祀今紀太后幼離西粵入侍先帝連賀非徐宿中原之地嬪宮無母后正位之年陛下訪尋雖切安從得其實哉臣愚謂可

仿徐王故事定擬太后父母封號立祠桂林致祭帝曰孝穆皇太后早棄朕躬每一思念怒焉如割初謂宗親尙可旁求寧受百欺翼獲一是卿等謂歲久無從物色請加封立廟以慰聖母之靈皇祖既有故事朕心雖不忍又奚敢違於是封后父推誠宣力武臣特進光祿大夫柱國慶元伯謚端僖母伯夫人立廟桂林府有司歲時祀大學士尹直撰哀冊有云覩漢家堯母之門增宋室仁宗之痛帝燕閒念誦輒歔歔流涕也

明史紀傳

天順六年賀縣桂嶺大龍塘水流盡紫光輝照耀上下經旬不變是歲大兵征其鄉俘猺獞數千流

水皆赤人以爲紫泉凶兆而不知是年明孝穆太后方十歲將臣以女津送京師選八大內後誕孝宗始知紫泉之兆爲非常云

叢載

孝穆皇太后誕孝宗其家世傳者往往失實宏治初纂修憲廟實錄使者下廣右採訪先祖銅陵君時預選修事前遺藁尙存暇日偶閱得之蓋訛李爲紀固差之遠甚至李公祠所撰碑文亦不足憑惟此實錄云李福斌平樂府賀縣迎恩里人氏居白石龍塘村村西有龍塘穴淵深清潔莫測其底時有雲霧起其中卽雨東有龍頭石崢嶸聳若翔矯山川盤鬱世出異人祖佃儻任俠家頗饒

財樂施予以故鄉人歸心焉其父益積陰德濟難調貧惟恐不及逮福斌世其家名益振身長八尺美丰儀事父母至孝鄉鄰有梗化者每諭以朝廷威德化而善良者甚衆娶王氏生孝穆方在腹忽一日龍塘水盡赤已而孝穆誕生年甫髫齡福斌歿葬灣塘嶺金紫山下後孝穆值亂入宮得幸憲廟毓聖躬於西宮爲萬妃所構竟以憂崩昔塗出興夏有娥興殷姜嫄興周帝王受命豈徒德懋蓋自其母家而已然矣以古揆今豈不信哉

月山叢談

孝穆之崩逝既不顯明而宗族又不及承恩澤何薄命也按孝穆相傳爲廣西桂林人實平樂府賀

縣人又雙槐歲抄云孝宗曾贈后父李公爲慶元伯旣訛其姓又無其名似未確又陸愷自云孝穆親兄其籍乃無爲州巢縣人又與廣西遠萬里不知何據

萬歷野獲

鍾伏波母臨賀蔣氏女也夫諱騫字宗閔由零陵湘沅八南封賀城太守素持釋行隋開皇二年奉敕號迦葉公卒塋於觀東古城岡面南山二子長士雄次士畧雄仕陳爲伏波將軍陳主以雄嶺南首帥慮其反覆每質蔣氏於都下及晉主平江南以士雄在嶺表欲以恩義致之遣蔣氏歸臨賀未幾虞子茂作亂舉兵掠城遣司寇鍾文華召士雄

士雄將應之蔣氏謂士雄曰我在揚都備常辛苦今逢聖化母子聚集殺身不能上報焉得爲逆哉汝若禽獸乃心背德忘義吾當死於汝前不聞上祖太尉繇公輔魏王勳及於今日猶且廟食子盍盡忠繼之士雄奉戒儆止則建寺觀戍塚懇告於皇天曰臣妾措褫祝延聖祚憐悌子息忠良遂一神人素衣白馬下之一夜大石山巔碑地合掌寺觀西南道石大馬蹄印蔣氏承天之休復爲書與子茂喻以禍福子茂不從尋爲官軍所敗上聞蔣氏甚異之封爲安樂縣君敕賜長生觀延壽寺

縣志

本朝陸氏昭平里閉家婦康熙三年甲辰一百三十
歲里人舉報謁見省郡諸當道各加優恤米帛之
外並旌其門曰清朝人瑞又三年始卒

遺愛

唐文宗太和二年帝與侍講學士許康佐等語及取蚡蛇膽生剖其腹爲之惻然乃詔度支曰每年供進蚡蛇膽四兩桂州一兩賀州二兩泉州一兩宜於數內減三兩桂賀泉三州輪次歲貢一兩宋路彬爲廣西提刑昭州夏稅折布錢太重民苦之彬奏蠲減於見納價三分減一每疋折錢一千從之民受其利

宋仁宗二年夏四月壬申免昭州運糧死蠻寇者家徭二年賦租一半

趙崇憲字履常汝愚子也宋嘉定中知靖江府兼

經畧安撫使靖江府屬邑土地肥磽畧等而陽朔修仁荔浦賦獨倍崇憲請加蠲減詔遞捐有差三縣民立祠刻石

按修仁荔浦是時隸靖江治

宋淳熙十年罷昭州歲貢金

宋史

宋嘉泰四年八月詔除昭州折布錢

宋史

元至元四月臨賀縣民被徭寇抄掠發義倉糧賑之

元史

萬歷十年巡撫郭應聘刻粵西條編規則成頒有司行之諸有司皆肅然奉行恐後無敢有規則外妄行誅求者

陋俗

古儼禮平樂方言謂之調襁蕩馮大鯤詩曰禮失求諸野秋儼得未殊蠻歌調木客腰鼓降盤瓠載鬼終虛渺驅魃信有無儒生但拱立相見古人徒田產買契不稅其契用數寸惡紙書寫及至找價過戶方以找契請印以是契多偽造不可深信大山獠獐雖咆哮如虎畏見官府其田糧請外之猾吏奸棍逐年代完而倍償其穀謂代當者爲田主代當者反謂有田者爲佃丁過數年代當者收其完納糧單欺其愚蠢假僞約執單爲憑

田出賣而不令田主過割雖至三四易主尚欲歸贖倘不與歸贖則強割秋成之禾買田者每歲於佃戶取禾曾不踏畝而佃戶遂盜賣一二買者貪其田土知而犯法不顧其佃戶名曰鋤口

婦人喪夫招夫養子居其室家吞其產業而族人絕無以爲非其種者鋤而去之之意撫子不於族黨多以外甥爲嗣及他姓之兒義買之僕

放債如禾百觔次年卽還二百觔若一年止還利而不償本二年本利再償二百觔士子讀書多於二月上學九月而散

同姓不顧倫理不畏法律多通婚姻
彼此角爭動輒講老輸者罰猪一隻老得二腿四
兩六兩折銀不等
獐人植樹記仇一日忽思前隙則宰牛糾黨相殺
不已

平邑城中廬舍不入版籍聽人占地起造以故有
私契而無官冊有私租而無官賦公署與民居犬
牙相錯欲查覆額址而不可得

平邑各就官山埋塋繚以周垣便爲己業鄉民每
以侵墓具告查其版籍稅糧俱成烏有

山可種花地可種麻而土著之民皆不習勞往往
平樂府志
卷四十一
外志
九
招廣東陽山人種植地土主收私租而官收公稅
所稱地主皆先世認夏稅桑茶課米一二斗卽佔
管山地數里招種之人去來無定額

逸文

鄒忠公梅花園記 林勳本政十三篇

商文毅公永安州學記

陳白沙永安州學記 葉傳榮三瑞圖頌

蔡雲翰平樂府學記 楊懋平樂縣學記

井欄石道鄉書院碑 鄭圭紀畧

平樂袁啓冀恒言詩論序記葩經約旨歌隱居士

平樂歐日榮勉學三十則

平樂袁鳴泰記行實錄

平樂袁景星訪賢書院記

張治道鄉書院記 恭城三空道人梅花吟

平樂府志

卷四十一 外志

十

恭城蔣一龍澹園詩集 常仁端詩草

蔣山響遠堂集 南遊草

富川毛奎遊大小洞天詩櫻桐蕉鹿詩

袁衷富川學記 賀縣學記

張惠富川泮池記 鄧林尹永安學記 載州志

直節流風亭碑記 黃大成義學記

按黃大成有義學志四卷黃國材稱其所載
經理之宜祭祀之典講學之規甚明且悉亦
不見

逸人

富川趙明宋咸淳進士爲辰州守蔭庇鄉人富人祀於奇山龍歸廟明正德間猶見其碑今已失傳徐俯邀單秀才求鄒忠公拾青閣故址其詩見藝文徐俯爲黃庭堅甥而單秀才人亦不俗竟不詳其鄉里

方技

唐賓公逸其名平樂人精地理之學爲人卜葬多驗鄉里爭信之

國朝陳孝將平樂人解音律以琴聞於四方

八景

平樂曰昭山點翠樂水拖藍龍池春暖鳳岫晴寒
荔江漁唱桂嶺樵歸槃澗清風仙嶠靈雨
荔浦曰長生湧翠猫嶺朝霞鼓架浮晴鵝鴿應禱
龍目農耕青山晚照雙溪牧唱獨秀樵歸
永安曰州志蒙江湛碧普濟芹香同樂椒芬銀山
曉霽鳳嶺春屏惟賀邑可知者三沸水飛泉江東
夕照三乘曉鐘而已

袁景星平樂八景說胡志

凡郡與州縣之志必取其山川之秀麗表而著之
曰景景必有八不知創自何世始於何人大都牽

平樂府志

卷四外志

十二

強紐合覽其名則十洲三島也考其實則坵垵溝
渠矣如吾郡之八景不能無說焉昭山爲景之首
是矣而著之曰點翠則欠韻次曰樂水拖藍樂水
者北關之恭城江也江深則黑淺深半則藍泥沙
則黃凡江皆然豈獨樂水方藍乎次曰龍池春暖
龍池在天妃宮廟左形如石田濶不過尺許深亦
如之側近民居菜園已爲糞壤鑒賞何其刺謬若
是耶或曰昔曾於此處起龍水不在深有龍則靈
志之爲古蹟則可爲景則不可即使有水而清亦
何足觀次曰鳳岫晴寒鳳岫者郡城後山予童子
時目覩群松密植蓋取松陰生寒今松十不存一

晴而登山方且苦熱之不暇何有於寒况寒暖者
天時非景也次曰槃澗清風志載大通橋下之溪
爲槃澗余身履其境兩岸土山合逼小溪渾濁溪
邊側不容足草棘蔓緣清風何來次曰仙巖靈雨
仙崑者誕山也在樂山里石面山去郡城將百里
山高萬仞宋時譚氏二女於此仙去自山麓至頂
約數十里歲旱祈雨有能造其巔者則雨隨人歸
歲旱祈禱事豈得已人迹罕到何足爲景次曰荔
江漁唱灘江樂水之漁獨不唱乎且荔江口去城
五六里卽唱亦不聞也次曰桂嶺樵歸桂嶺者郡
後主山也蓋昔時斯山未童城中樵者暮從嶺歸
而得名也然城中望之不見必登高斯覩今無復
樵採矣夫水縈山結而後建城郭旣曰縈結則造
化巧合必有天然之景足以供詩人韻士攬勝探
奇者得一二佳勝已足千古何必待八故昔有而
今無者非景今有而後無者非景以臺榭興廢非
景以樹木存亡非景山水不靈秀者非景風雨不
變幻者非景水不清冽曲折者非景石不玲瓏怪
異者非景景者天地自然造化之巧使游者怡心
豁目留連而不能去余非好異昔賢惟是吾郡山
川靈秀之境不一而足卓有可觀慮夫狗名失實
豈惟人笑山水不知山水更咲人也存此說以俟

風雅君子

平樂府志

卷四十 外志

十四

鬼神

宋開禧元年九月二十三日封五侯敕曰敕昭州龍平縣靈濟廟第一位神等君以民爲本民以食爲天國有水旱則時以無年民斯苦病桂嶺之南維昭州之屬縣叢祠其神有五顧自紹興季年嘗錫廟稱凡旱乾禱祈暨民有癘疫率蒙休咎一方攸賴部使者以聞爰嘉侯封珠連厥次號殊而應均以示休寵尙嘉惠乎有氓斯爲克稱可依前件奉敕如右牒到奉行第一位神可特封金殿嘉應侯第二位神可特封銀殿顯應侯第三位神可特封梅殿昭應侯第四位神可特封劉殿惠應侯第

五位神可特封柴殿通應侯欽哉端平元年三月一日加封五殿敕曰敕昭州龍平縣靈濟廟嘉應侯等朕惟有位咸秩百神非有功於民不居祀典爾屹彼靈祠奠於侯服山川之能致雨皆汝之功舟楫以濟不通皆汝之祐是用嘉乃丕績申命徹侯於戲神苟能益懋乃功則封崇之典實未艾也可依前件奉敕如右劄到奉行敕告嘉應侯等茲特封金殿嘉應仁濟侯銀殿顯應仁祐侯梅殿昭應仁澤侯劉殿惠應仁順侯柴殿通應仁茂侯欽哉

平邑有白婆巖在津平里布唐村寨腳山下巖內

有水每遇天旱祈雨三日內聞巖中有金鼓笙簫聲則必雨否則其年必大旱若雨久祈晴亦然平邑境有神祠民有著赭衣過祠門者立降災正統間御史唐慎按平聞之卽衣緋往焚其像廬其廟其慝乃息有樵者嘗入藤帽山得異境儼如洞府歸語里人咸曰此必仙人居也丙子旱魃爲災里人就之求雨立致滂沱一時傳聞郡邑凡附近鄉村莫不來禱甚則隣邑有越宿而至者亦無不應至今猶驗若蓍龜云但詢其所禱何神則曰石盆洗臉仙姑是又近於俚矣

明萬歷二十五年民間相傳有妖神廣福王者能附童子言人禍福及地方兵革農家豐歉諸事村野愚民與猺獞思亂者往往信之時桂林平樂鄉落間鳴金搥鼓創廟禱祀者無虛日而平昭二邑爲尤甚未幾遂有黃朝田之變而桐亮猺盤花婁繼之又越月而橫溪石狗諸猺唐則婁等荔浦獞韋扶仲等及巖頭站面諸猺相繼蜂起矣此等妖妄之事初起時不過一二思亂者倡爲邪說以誑惑一方耳爲民上者一有所聞卽密訪而懲戢之當應時解散何得任其鼓煽流禍至此嗟乎作吏豈不貴有識哉

宋開寶二年有兵過蒙州遇獵者牽黃犬逐鹿以
來就刺之人犬與鹿皆化爲石鼎峙道傍

方言

平樂縣獐語食曰喂飲咽飯唛衣服卜鍋寡鍋蓋

空快子特水缸八蕩魚璧拉肉糯米候菜迫勤起

卑坐論睡嚀床伴柴焚火燬鹽右油吻鷄計鴨鼻

鵝漢酒菱關門黑堵刀架動用器物家甑砧板鋏

獠語衣服曰壘飲吟飯嚀鍋撐碗穩快子舊水缸

甕水瓢机魚璧撈肉啞米美菜賴起鳴坐隨睡背

床丑桌子爵板柴藏火燻鹽早油美鷄戒酒丟關

門關禁刀滅砧板腫禪

恭城縣民家子女呼母曰馳呼父曰大又曰大大

奴婢呼主人之子曰叔粃言物極大曰一類言已

平樂府志

卷四十一外志

十八

做此事曰開獐人稱我曰苟稱人曰猛出外行走

曰擺歸家曰擺馬吃飯曰哽噎吃酒曰哽啞啞穿衣

曰擔蒲獠人稱我曰故稱人曰古出外行走曰仰

歸家曰仰穆吃飯曰吟口飲酒曰喝滴醉倒曰薰

歹恭城令韋聖揆因公攜邑貢生蔣一龍同八獠

村率口戲出對曰高士停驂八座狂呼滿飲一龍

即用獠語對云叭公唱滴出門亂噉薰歹叭公謂

獠人也

昭平縣獠獐呼天曰撇地代日捏月胸星生風龍

雲渾雷呂雨度垣電菡霹靂拍拉祖灶孫參父波

子勤夫步君妻妹夜兄曼濃弟代伯拍叔旭母牟

嬖閃朋友彭耦屋攔稻倒穀厚古米厚殘咩荳

倒稷則黍須芋吾水稅路澇橋姚渡豆溪希灘探

河訛頭投眼岩耳擬鼻勃舌善口靠手施足踏金

乾銀岩銅桶鐵塌錫削鉛難吃飯齧餲酒棗飯泛

魚粒蝦呵鰲筆鷄度畝鵝度邦鴨度必牛懷羊降

犬誼豕支馬未紙志筆迫衣矮帽浼靴嘖襪扶茶

抓硯念墨麥

永安州獐語米曰買穀郭飯班酒嫂魚娛內虐菜

翠牛藕猪煮狗藁鷄概鴨愛鹽銀油杳衣衫套透

袴貨帶打鞋亥襪賣蓆澤帳疆枕斬扣拷針轉線

信鍋疆蓋怪盃布壺沽刀斗鎗淺棍確打人拷念

平樂府志

卷四十一外志

十九

檯對橈檣床獐水缸霜鎗走養坐做笑秀哭霍猺

語米曰厚散穀厚穀飯厚酒菱魚拉菜兆牛杜特

猪模衣步套到裙尹帶節被田蓆閔帳列枕睡樓

針尖線埋鍋瓜蓋勘碗椀快子得鉢入壺豪柴刀

榨腰刀養鎗找打人服死反屋欄門北都椅隘床

滿確砲走條坐鄧睡除笑料哭蒂

韻事

康熙甲寅吳三桂叛生員歐陽榛避迹獯山時糶糧者必求諸市賊伺道窺悉奪之惟相戒曰歐秀才正人也其勿取故陽榛之糧得無恙後遇盜被執將害之陽榛自呼其名曰某生平無害人事何忽罹此耶盜聞公名遂不加害亦佳話也

明成化丙申之冬郡守楊公冠得異石一方於鳳凰山下製作精巧上有乘馬者公服幘頭窺有執旗者旗上有狀元二字楊公因呼爲狀元石

萬歷乙酉年昭平副使韓紹募商伐木芟闢榛莽命千戶劉棻鑿石除道凡險絕處皆夷爲康莊於

鼓鑼峽石壁刻曰兩粵通衢於松林峽石壁刻曰百蠻遵道以記功云

王贊侍郎中朝名士有宏農楊蘧曾遊粵西陽朔荔浦山水談不容口以階緣嘗得接琅邪從容不覺形於言曰侍郎曾見陽朔荔浦山水乎王曰某未曾打人唇綻齒裂安得而見因之大笑楊出宰當遷求彼邑挈家而去

北夢瑣言

唐李邵爲賀州刺史與妓人葉茂蓮江行因撰骰子選謂之葉子咸通以來天下尙之殊不知應本朝年祚正體書葉字廿世木子自武德至天祚恰

刊誤

宋鄒浩居昭州以江水不可飲汲於數里外後所居嶺下忽有泉湧出因名感應泉將北歸數日前泉乃涸夜有人至門厲聲呼曰侍郎歸矣求之不可見次日果拜命

舊志

鄒浩使役者濬感應泉一二尺許乃於亂石之下得蟹一枚自放於江曰予至五嶺不覩此物數年矣亂石之下又非所宜穴處也何從而出耶易不云乎物不可以終難故受之以解蟹者解也天實告之矣蒙恩歸侍可立待也於是乎書

鄒浩書喜

感應泉在城北宋鄒忠公浩感應泉銘序曰昭州

平樂府志

卷四十

外志

二十一

江水不可飲飲輒發瘴日用汲井乃在二三里外又石壁崎嶇當風雨寒暑時尤以為病忽於所居樂川之上仙宮嶺之下有泉出焉甘涼瑩澈一邦之井無與比者因疏導為小池日汲四五斛用遂有餘而人不勞各之曰感應泉逮公北歸遂失其故處明萬歷壬寅平樂縣知縣易禮始於荒蕪中得之其泉正直上出澄盈如玉水味冠於一郡因作亭以識不忘孫有敷有詩紀其事袁景星曰泉在仙宮嶺之麓鄒忠公謫居之傍今公居不可復識而寒泉清冽固自若也公之立朝耿介遷謫無怨載之宋史昔日郡守袁君衷邑令陳君光龍互

相招揭予復何贅惟人情好奇喜妄古今一揆予不能無議焉如此一泉也曰忽泉湧出浚泉得蟹又曰侍郎去而泉涸公以暮年來此或脾胃有疾春漲泥濁偶食江水不利遂飲泉而安其實江水清甘勝於飲泉也平邑山麓處處含泉導之卽出公蓋偶見水跡導而出之免遠汲勞自謂感應故其銘曰我感我應其來自天不知山下有泉尋常事也後人神奇其事妄曰侍郎去而泉涸取快一時口舌不知自誣之過且士君子之澤欲其永濟百世傳之無窮泉涸之說豈公之所願聞而公正直之靈不可誣也平邑凡有水處卽生小蟹泉中

得蟹豈足爲兆公紀夢詩自序云夢劉夢臣報云已有賜環之命後三日果得夢臣柬曰已得移信公詩確確而好事者乃云有人至門呼曰侍郎歸矣求之不見若然則口物也明於天地之性而後不惑於鬼怪豈兆公之明年亡乎端人正氣非鬼物能揶揄也妄言者本意愛公神公而不知其污公誣公也

天繪亭在西山福聖寺前宋知昭州軍事李丕以犯金年號欲更之有范姓遂易名清暉忽從土中得片石載邱濬所作記云予擇勝得此亭名曰天繪爲其景物自然也後某年月日當有俗子改名

清暉者可爲一笑遂不敢改今廢休菴先生曰舊志載亭在西山寺前廢久寺基失考相傳西岸令公廟左西竺菴卽西山寺也今西竺菴亦廢無存矣遺趾後依金嶺前對城市灘樂二水匯於亭下灘聲清越離岸百尋山川雲樹城市人煙風雨晦明變態百出應接不暇顏曰天繪豈不誠然至舊志所傳不能無惑宋昭州守李丕以犯金年號欲更之有范姓者易名清暉忽從土中得片石載邱濬所作記云云夫曰更名不過易其匾額非有掘土之工土中之石何由得出邱文莊公濬乃勝國儒臣而建亭年月失攷然宋李丕欲更亭名是亭

建於宋前文莊明儒何先數百年爲此亭作記耶或曰宋有邱濬豈其然乎存之以候博學君子

胡志

按宋有邱濬見鄒浩詩並序

胡志載金沙井在東南隅塘背庵內且謂舊志稱近爲僧填又載劉氏井在東南半山中金沙庵後予嘗至金沙庵訪之一老生云庵內舊有井僧苦居人汲水聒噪乃於觀音殿前築短牆讓井在外以避喧擾領予從庵外穿陂陀小徑陟青石磴數級則井在焉僧厨與觀音殿正牆皆長出一二尺井函於內清冷瑩碧泉皆仰出石甃堅好上有青石井欄高尺餘西牆嵌乾隆某年修井出錢碑具

官紳姓氏額題劉氏井三字予疑詫焉卽其地量
度形勢與所見聞斷爲金沙古井無疑且考金通
志無劉氏井金本於李志豈肯故爲刪去胡君成
未經細訪隨手抄撮據稱舊志而志已無存又安
知舊志之無人竄附耶卽以胡志論劉井在半山
中金沙庵後此則離墻北不二尺非庵後也且非
半山則劉氏井當於半山中求之存否不足道而
金沙故跡有斷不可淹沒者大抵廟僧貪一時之
便故移易其名且影響其詞以附於志皆不可知
居人不細察予故爲辨之然志文尙存劉氏井者
存疑也楚南王人作識

跋

粵西府縣志已散逸不可
考平樂府志

本朝雍正四年知府胡公醇仁
創修迄今又八十年矣嘉
慶八年孟冬月

清公雲齋先生來守茲土

見舊志殘缺毅然思修復
之因檄行各州縣凡數十
年來升降沿革及其鄉之
有德行道誼者悉以聞適
先生故人長沙王子人作
來署遂相與參考舊聞博
訪耆宿爰卽胡公之繁者

刪之簡者增之八閱月而
稿就有條有則燦然可觀
未付剞劂名
先生調任泗城
先生曰是予之責也因捐
資卽刊之

先生甫抵任卽重修書院

延名師教讀捐資助膏火
士子彬彬向化咸頌
先生德今志書又告竣較
胡志更醕備無遺憾皆前
此未有之盛舉也時勸其
事者則署平樂縣知縣東
蘭州知州袁鎬署昭平縣

知縣候補知縣張其祿署
永安州知州候補知縣戴
鈞賀縣知縣蔣學乾富川
縣知縣陳惠署恭城縣知
縣候補知縣李著勲署荔
浦縣知縣西隆州州同戴
宗槐修仁縣知縣陸其榮
署義寧縣事前署修仁縣
事候補知縣蕭池謹跋

嘉慶十年正月二十四日

光緒三年重刊府志公捐數目

計開

署平樂府事南甯府知府景雲捐銀壹百兩

儘先補用直隸州平樂縣知縣張萬選捐銀伍拾

兩

署平樂縣知縣補用知州龔嘉相捐銀拾員

署永安州事補用知州陳亮采捐銀拾員

同知銜署荔浦縣知縣許叔僖捐銀貳拾員

同知銜恭城縣知縣劉履安捐銀拾員

同知銜調補賀縣知縣陶棠捐銀拾員

同知銜署富川縣事卽補知縣陳榮洙捐銀伍拾

平樂府志

捐資姓氏

一

兩

同知銜署修仁縣事補用知縣兆慶捐銀拾員

同知銜署昭平縣事補用知縣裘憲璘捐銀拾員

平樂府學教授朱允棠捐銀肆員

署平樂府學訓導李自雄捐銀叁員

平樂縣學教諭黃秉震捐銀叁員

署平樂縣學訓導張坦捐銀叁員

荔浦縣學教諭譚體仁捐銀叁員

內閣中書銜荔浦縣學訓導何彬捐銀叁員

荔浦縣典史區肇祥捐銀伍員

平樂協副將謝讚捐銀拾肆員

平樂協左營都司儘先叅將譚登科捐銀陸員

平樂協右營守備兼襲雲騎尉袁廷楷捐銀陸員

平樂協左營城守千總秦光裕捐銀肆員

平樂協右營城守外委胡紀廣捐銀肆員

管帶效字營儘先補用遊擊梁效賢捐銀貳拾員

平樂協儘先守備世襲雲騎尉曾廣居捐銀伍員

荔浦汛千總唐建業捐銀伍員

荔浦王瑤汛把總黃元安捐銀貳員

遇缺儘先題奏總兵調補廣東惠州協鎮勝勇巴

圖魯永邑陳培桂捐銀

分發廣東補用知縣平邑余鑑海捐銀拾員

平樂府志

捐資姓氏

二

荔邑拔貢陳達聰捐銀肆員

前署北流縣訓導昭邑李魁枝捐銀叁員

平樂縣學附生劉延年捐銀陸員

候選教諭平邑田裕邦捐銀肆員

前署博白縣教諭平邑何炯然捐銀肆員

前署興安縣教諭平邑伍嘉猷捐銀肆員

平樂縣學廩生關汝鑫捐銀肆員

道鄉書院捐